

隻箸山在神符海外。巉岩特立。遠望如削。靖王詩云。一望滄茫海色秋。天將隻箸障橫流。孤高如削扶蒼極。聳峙無雙壓蜃樓。十二海門標砥柱。三千塵界踏仙洲。黎桂堂公詩云。紫府應移在此間。屹然一柱障羣灘。遠瞻正似蓮花座。何事名爲隻箸山。○猗碧海口在弘化縣。層山峙立。山之石皆當一畝許。石色如沙。步履平坦。俗名蠻鞋。靖王觀覽書「仙洲」二字。○靈艮門在豐祿縣。海口深而狹。左岸羣山羅列。上有四位聖娘。右岸平沙廣大。俗曰都亭。其正大我蜀。我隅二津。爲歷代巡所。云正大巡在宋山縣。我隅巡在淳祿縣。我蜀巡在峨山縣。

### 靖嘉府三縣

農貢縣 凡十五社。二十四

玉山縣 五十四社。四

廣昌縣 五十五社。

靖嘉在清華之西。農貢地居上游。與東山接壤。西南萬嶺重疊旋繞。挪山一支嵯峨插天。中多靈峯勝洞。古跡有樵叟徑。

胡漢蒼時。挪山有樵叟隱深峒中。胡使至引入。譏排時事。不肯出。使者歸以告。漢蒼命再至。則苔漫峒口。已斷來時路矣。怒赭其山。只見玄鶴凌空而去。事詳傳奇錄。潘止庵公詩云。農貢之西萬嶺環嵯峨。那嶺逼雲間。天留逸趣。

岩溪古地。迴澑草樹間。峒徑已隨樵叟。杳山容不爲溟蒼。寒廣昌玉山二縣皆在下畔。際海有文貞山。象山。奄山。

文貞山公象山在廣昌縣。奄山在玉山皆無古跡。

海口則

會朝門好賢門俞川門。

會朝門在廣昌縣。深狹繁糾。出難入易。俗云。「闖易扒難。」○好賢亦在廣昌縣。多伏沙。大而淺。出入最難。○俞川門在玉山縣。俗名闖蚌。其門淺狹。左岸石。右岸沙。

汴山爲巡司之所。

在玉山縣。去海崖約十里。湧出一山。傍有潭。上列巡屯。往來依泊。無風波之患。科第之發。二縣皆有。而農貢爲盛。名臣迭出。事業多瑰偉云。廣昌玉皆十七員。先後名臣。如古堆黎義澤在慎德時。奉使順廣。以智勇辦事。南朝稱爲朝廷有人。蘭溪阮徵在正和辰。獻平治策。以參從蒙眷。當時稱爲重厚名臣。至若黎仁澈之繼其祖。阮徵之紹其父。事業亦略相似。皆爲一世罕有。

### 清都府四州一縣

壽春縣 四峒五日程。

關那州 十峒六日程。以下全。

良政州 十峒

蠶州 十峒

岑州 十峒

清都府在清華極西。一縣四州多是蠻俗。連山障水。與哀牢接壤。其風俗犷戾。歷朝雖設官撫治。而號爲羈縻。殆亦以蠻獠視之云。

卷二 地輿誌

諸道風土之別

世二

長安府三縣

嘉遠縣古安遠縣。四日程以下。

安謨縣

安康縣陳時號安寧。黎中興後始改。

長安府在清華之北夾接山南嘉遠縣界連青廉青厥江渡爲二鎮分疆之處從此經澗口江山川

空濶西上沿山路轉入紹天縣東下傍江路直入安康

澗口江水分三岐潮漲時江極浩大

安康安謨二縣傍濱大海丁黎

初爲華閭城建都于此李太祖遷都昇龍始改爲長安府迨莫時以長安天關二府爲清華外鎮以

三疊山爲界與黎抗拒而號長安以外爲東越以內爲西越中興以後因之遂有內外之號外鎮所  
在雲床景致佳麗

雲床在安康縣近臨長江爲人烟湊集之地商坊魚廟風物繁華

古跡有華閭古弄城

華閭在安康縣恬江上重山巍峯中有石洞沿江過

山下即丁黎故都遺址今有大行先皇二殿靖王登覽有詩云匹練繁迴穿水洞重山屹峩峙山關疆都已矣經移換天府依然自抱環○古弄城

在嘉遠縣連接金榜明永樂時所築陳簡定帝破明兵於逋姑沐晟敗奔此城今城址尚存村民放植瓜豆耕時往往得劍黎桂堂詩云

荒壘頽垣四百秋瓜藤豆蔓放春柔碧波已洗陳王恨青草難遮沐晟羞

山川名勝則浴翠景爲第一

山在安康縣大登社海濱原名山水山張漢超改稱浴翠山奇

水秀景致極佳漢超晚年移居于此常有詩刻石云山色正依依遊人胡不歸中流光塔影上界啓岩扉浮世如今別閑身悟昨非五湖天地闊好

訪昔漁磯○峽石范師孟登覽亦有詩云扈蹕鷺頭浦尋舟水石岩鯨波天上下鰲背水東南蓬島連僧塔瀛洲正客帆行年六十六四度訪伽藍○

黎朝設行宮遊覽聖宗懿云三折流邊浴翠山孤高如削玉峯寒尋來廢寺凌厲上覽盡荒碑帶暝還  
穿密却疑天地小登高頓覺水雲寬山光不改渾如昨回首英雄一夢間是後騷人墨客題詠尤多

他如笛弄山鳶翅山鶴山猫子

港大登江大黃江皆是遊覽勝概

笛弄在嘉遠縣俯臨長江山有深峒黎桂堂公陪靖王登覽詩云蠟屐新陪鳳輦遊長江壁立大河  
堂公詩云平田擴寸碧形勢聳飛鳴寺隱三峯上橋通一水前危岩盤虎踞幽峒通龍涎○鶴山在安康縣海津與浴翠山相近靖王登覽常書一千  
年或作天然妙巧字刻石有詩云突起層巒瞰碧濤宛然天鵝瑞南交扁舟到處都堪賞萬狀新奇入免豪○貓子港在安謨縣蒲川社是處峯巒

錯落。瀨江一指。遠望如貓。故名。靖王改爲玉兔港。○大登江在安康縣。安登社。邇接浴翠山。景致清湛。桂堂公泊江津。遠望詩云。春景留紅樹。斜陽下翠微。鷄鳴江月上。蟬噪海雲歸。潮水有朝夕。漁翁無是非。○大黃江在安謨縣。江流空濶。蜿蜒赴海。

三縣文學則亦

略相當云。嘉遠登科一員。安

略相當云。嘉遠登科一員。安謨三員。

### 天關府三縣

三十三庄  
十六寨

奉化縣

三十二社三庄

安華縣

三十三社一庄  
五日程以上

樂土縣

三十

天關府在清華之西北。三縣沿山而西。與山西山南接壤。中興初。王師略定。必由此路。自西京出經山明金榜。以達東都。道爲最近。但半屬蠻獠。無有文學。風物與下畔迥異焉。

### 乂安

古越裳國。秦屬象郡。漢爲日南郡。吳置九德郡。梁改德州。隋復爲日南。唐初爲驩州。後改爲演州。丁朝因之。李初改驩州爲寨。太宗天成三年。改曰乂安。而演州別爲州。陳初因之。乂安稱爲府。睿宗時改演州爲路。分乂安爲日南。與乂安南北中等四路。及西都時。改乂安爲臨安鎮。演州爲望江鎮。胡時改演州爲靈源府。合清化九真愛州爲京畿四輔。屬明辰。復爲演州。乂安等府。黎初因之。光順中定爲乂安承宣隸府。九縣三十冊三。

乂安南界順化。北連清華。哀牢在其西。大海夾其東。山水高深。風土厚重。氣象昌明。號爲南州勝地。其人淳和而好學。其物珍異而鐘奇。山海之神尤多靈跡。河岳之稟迭出名賢。至其地連蠻獠界限。北南寔爲國之金湯。乃歷朝之鎖鑰者也。

### 德光府六縣

卷二 地輿誌

諸道風土之別

## 卷二 地輿誌

諸道風土之別

廿四

天祿縣 三十

古號青江。三十八社。八村。

羅山縣 三十七社

古號羅江。三十六社。七村。

真福縣 三十七社

八村八所。

清漳縣 三十二庄。九冊。三所寨。

古號羅江。三十一社。社一村。二庄。

宜春縣 三十四

二十六社。七村。庄十日程以上。

香山縣 三十一村。

德光在乂安之中。西近哀牢。東際大海。天祿宜春地傍海津。疆域相連。以鴻嶺爲界。真福在宜春之北。連接雙魚海口。羅山界居上游。藍江一帶繁遶其間。清漳在藍江之右。與茶葵諸府接壤。山勢盤礴蜿蜒而來。香山在其南緣傍林巒去海已遠。一府風俗淳和。俱稱文學科甲發越。則天祿羅山宜

春爲盛名臣忠輔冠於一州。

清漳登科十三員。真福四員。惟天祿二十二員。羅山二十二員。天祿如芙蓉。院公文階。贊畫中興。陳仕三朝秉掌六部。勳庸超冠常時。拔擢楊公致澤。翊戎功於福泰。久居樞院。晚獲致仕。宦業尤爲完美。

宜春則仙田馮公儼出將入相。功名卓越。羅山則菜石潘公倣。兩途文武勳望在聞。

山川名勝有鴻嶺山。勇決山。南界山。洮山。江貓嶺。雙魚山。金顏山。千仞

山。鴻嶺九十九峯。在天祿宜春縣界。山上有香積寺。相傳觀世音菩薩飛錫南來。修持于此。今香火具存。旣希思公登寺詩云。隙間躋攀到上方。依然掬水尙聞香色空。意味青庵外。香火因緣白石傍。樂處林泉相曉暮。望中天海共青蒼。漫游欲盡莊仙趣。梅影松聲又夕陽。○笠峯先生詩云。香積陳朝寺。鴻山第一峯。遺庵空白石故址。但青松風月長。如此神仙不可逢。○勇決山在宜春縣界安樂江上。昔號青州江。以北爲真福界。山巔遙望雙魚隱約海門。山半石磴平坦。相傳康王南征時御樓。山內有洞。洞口有寺。名山光裴黯。章公山望詩云。宜春地入艷陽初。一望青蒼畫不如。細雨過岩山出露。輕帆拂樹。水空虛御樓。石磧平花嶝。仙峒禽聲隔草廬。靜玩求窮天。海趣龍洲森。會雙魚。○南界在天祿海口。山上有瀑布泉。遠望如長練。魏初武穆公南征病沒於此。民立祠奉事。聖宗命阮如堵撰碑勒石記之。洮山在南界右。相傳有褚童子墓址在焉。聖宗詩名山猶說古遺園。卽此山也。○江貓嶺在真福縣。勇決社山上有谷。其中有寺。羅山先生詩云。港頭俯瞰决江湖。近看非猫遠是猫。金四蹄凹如縮。地石雙耳峻欲冲霄。嗜魚刁漢安從。取除鼠農民不用招。今古往來閒指點。無心禩碣自岩峣。○雙魚山在宜春縣會統海門。狀石魚形。俗曰雙魚。黯章公詩曰。鳳帆烟樹共悠悠。縹渺雙魚海上浮。○金顏山在清漳縣。偈長册相傳人死精神必歸于此。阮笠峯公詩云。孤高當縣冊。平地起金顏。神筆冲霄漢。仙壺樂世間。雙條山界緊敵里。石根盤收盡靈氣。安南小泰山。○千仞山在清漳縣藍江社。山上有六年城。黎太祖常駐此六年。以拒明人。故名城傍有笠壠泉。中間小山曰裴峯。泉石蒼幽。樹木葱鬱。近時月澳先生阮浹隱居於此。常有詩云。葵茶龍勢極南溟。千仞山青水共青。羣馬峯迴路。棗雙虹。泉咽隔溪城。六年弓劍英雄事。一枕煙霞隱遁情。藍江禹門泉。浮石渡。俱爲遊覽勝處。

藍江在清漳縣。兩岸諸山濃翠堆疊。水勢蜿蜒而下。至鴻嶺入海。江景最爲空濶。○禹門泉在香山縣。相傳魚登此化龍。○浮石渡在羅山。永代渡有白石數座。遙山橫列。遠臨大海。一望極有情趣。陳時范遇有詩云。昔年曾作浮石遊。童頭丫髻陪親娛。今年重作浮石遊。江山如故人。白頭勝遊邂逅。那可必。歷土重來。又何日悠悠。身世倚欄杆。天外客帆歸鳥疾。海門則會門。率門剛澗門。會統在宜春縣。古名丹崖。門外雙魚山浩浩波際。○率門在天祿縣。門水深闊。天祿縣度遼社。白鼻山下。公名擒虎。度遼人。太和中官御史。安撫諒山時。辨蛇羹冤獄。事聞得召。常於鴻嶺鑿溪灌田千頃。鄉人德之。卒後立祠於此。累封福神。

## 演州府二縣

東城縣 七十六社。四村。二十九庄。一冊二所。三萬四館。  
瓊瑤縣 三十三社。九村。三十七莊。

演州府在乂安之北。與清華夾壤。瓊瑤連接玉山。東城南界興元。二縣皆際海濱。地界曠邈。其人多淳和好學。科名之發。在東城爲盛。瓊瑤登科五員。東城登科二十員。古蹟有乾海祠。暮夜山。稔著靈異。乾海祠在瓊瑤芹海門。南宋公主母子三人溺海。飄蕩至此。宛然如生。土人異之。爲之封壇。其後陳聖宗南征。駐軍海門。夜夢見一女子曰。妾趙娘子。爲風波所迫致命。上帝命爲海神久矣。今聞陛下南征。願翼贊聖功。明日上詢故老。得其詳。及行海無波。詔有司立祠致祭。此後稔著靈異。廟號聖姑祀爲上等。事跡詳幽靈傳。潘止庵公詩云。香火千秋陰。繡宋風。波一夢。默扶陳。○暮夜山在東城縣。歷福香靄香蘭三社。有安陽王廟。金牌書南海大王。素著靈異。山多孔雀。人無彈射者。俗傳龜瓜神弩奔南淘。鵝毛錦褥表道。卽此。裴黯章公詩云。羅岩海畔石崔嵬。神弩何年起。禍胎道出演州。無錦褥廟存暮夜。有金牌渺茫。水上文犀去。斷續林邊孔雀來。以爲碑爲礎。或爲象。馬之狀。以薦于神廟。其海門則乾海門。權海門。一台門口。碧門口。賢門口。凡五處云。在民居深處。○權門在瓊瑤縣完厚社。門深而狹。兩岸羣山連抱。○台門在東城縣尚圓社。此門淺狹。右岸石山左岸平沙。一望延曠。○碧門在東城縣。○賢門在東城縣羅岩。此門至狹至淺。兩岸皆山。大舟不得入。史載安陽王持七寸文犀入水去。卽此。

## 鄭都府二縣

## 卷二 地輿誌

諸道風土之別

廿六

興元縣 四十二社  
三所二甲南塘縣 十日程  
以上

鄭都在乂安之中。南塘界居上游。與清漳相接。興元地在下畔。南夾天祿。藍江一帶。繫繞二縣之間。古跡靈神多在其地。武穆祠三座廟。黑帝祠。潮口城。可留關。胡崗皆是歷朝遺跡。

武穆祠在興元縣。潮口社。黎太祖廷司馬參預朝政

黎魁謚武穆。鎮乂安有善政。太和二年。巡擒占城。至海門病沒。民立祠於南界海口龍吟山下。後移在此。○三座廟在西塘縣。白糖社。李太祖第八子。高明大王諱晃。鎮此州。沒後。州民立廟景山三座上。神最英靈。○黑帝故里在南塘河南上村。有遺廟存。○潮口城在興元縣潮口社。昔明人築城於此。黎太祖自杜(一作林)河圍之。其城西北間山東南砌甓爲之。迨今榛莽。南門爲牧馬場。山上插旗石。猶在。有宣義者廟在山半。其姓氏不傳。城中一方池。相傳所以藏貨者。牛浴池中。往往有錢文貼毛上。○可留關在南塘之慕田。江自清漳會林二流。至此相合。左右兩岸。

崇山豐林千回百折。黎太祖常與明方政。山壽慶戰于此。○胡崗在南塘清泉社。有晉老鄭模廟。模原姓阮。塘

海水在南塘清泉社。姿黯章公雨中踰海水

羅山人。太王賜姓鄭。督諸將伐阮。倦屯兵於此。累立戰功。後至玉山誤中賊計。全節不屈。胡崗有廟在焉。文學之發。則兩縣科

詩云。露雨霏微點雪沙。春枝春樹迭交加。山踰徑狹。纔通馬路。鮮人行數。見花。○茶山在南塘縣嫩柳社。山有大慧寺。香林寺。風景閑寂。黯章公登

詩云。露雨霏微點雪沙。春枝春樹迭交加。山踰徑狹。纔通馬路。鮮人行數。見花。○茶山在南塘縣嫩柳社。山有大慧寺。香林寺。風景閑寂。黯章公登

林寺鐘樓詩云。作郡多閑事。登樓動遠情。雨中丹嶂色。茶畔碧松聲。岩密池紋靜。林疎鳥韻平。凭欄新夢覺。春近百花明。○院山在南塘佛塔社。勃陀村。山上有古寺。林外市處人煙湊集。對岸青潭千山。一望蒼翠。○庵山在南塘雲屯社與茶山相近。上有禪院。山勢緣曲如環。竹石幽邃。○義烈山在興元縣。義莊社。上有安園樓。枕山面江。江水山雲掩照。夾樓飛泉綠樹。景色幽勝。阮笠峯公懷古詩云。烈山山上最高峯。四顧雲烟入望。中莫國城荒芳草綠。義士樓在夕陽紅。人去飛塵外。誰是非逝水中。早晚拔芽成小隱。滿江明月一帆風。

可留巡爲征稅之所。其海口惟寶貴門云。

其門淺狹右岸石山。左岸平曠。

## 河華府二縣

石河縣 四十二社一村一所  
二寨。十一日程奇華縣 五十七社十  
村十三日程

河華在乂安之南。與順化夾壤。石河北界天祿。奇華南連布政。二縣連山際。海縈迴曠遠。河中社  
在奇爲舊朝留屯鎮城。其景有越東泉。爲驪州第一。泉在鎮城之左。一帶平崗闊隙與鎮山連絡。傍開石壁。樹木  
華

曉蔚。石罅中湧出寒泉。清冽甘美。品水者以此泉爲第一。

山川尤

多古跡。盤度山。高望山。天琴山。灣娘門。遺跡歷歷可考。盤度山在奇華縣。海門之左。山上有潭。相傳常有仙女從潭中  
兩掬橫飛收火氣。一條直豎聳雲端。東洲地盡蛟龍窟。南鎮天留虎豹關。石上仙娘何處去。空餘潭月照人間。  
○天琴山在奇華縣。相傳雄王常遊此山。聞天籟聲。因名天琴。後胡季犛爲明人所擒於此。改名天擒。在奇羅海口。  
○高望山在鎮城前。一望界於海內。昔胡漢蒼奔此。爲明將張輔所擒。○灣娘在奇華海口。有制勝夫人祠。陳睿宗南征至河華。阻風夜夢一人稱水神。舟遂得進。後因立祠。

奇華弘化社爲我國極界。與涼蠻接壤。南詔常據此以拒唐。

其地夏日南風最烈。東夾布政州。有木綿溪分界。

溪以東爲奇華。西爲布政。

其民俗耕田一犁駕雙牛。多產通天犀孔雀玳瑁。沉香紫藤香花龍藤化龍竹諸異物。其文學發科則石河爲多。而奇華僅有一云。石河登科十八員

布安以南爲南布政屬順化。北布政頗有文學。常發大科。

登科二員。又多產異物。光禮等社產人參。四五月開紫花。採根篤生津。

海外有麻姑山。景致爲極幽云。麻姑在瀰淪海中。去布政州一個月。俗曰禮悌山。相傳麻姑仙常到此故

名。黎可穎常有詩云。山深清澗寂寺古。白雲閒客至。僧無語松風自啓關。

### 茶麟府四縣

新山縣 九十峒

襄陽縣 七峒

永康縣 八峒

會寧縣 五峒

茶麟在乂安之西北。北接哀牢。西抵清漳。陳朝爲密州境。四縣俗曰四麟。陳明宗親征哀牢。還至襄陽。詔阮忠彥磨崖紀功。石刻今存。山在襄陽縣沉香村之西。距古城一里。城舊圮于水。波流激石。奔潑山立。茂條中林蠻青蔚。下有峒可容數十人。竅落深阻。多惡獸。岩腰一片石。陳時所刻文字。畫掌大。入石深可寸許。

沉香村之西。林岩盤蔚。昔陳人築城于此。以其大江之南。俗稱城南。中興初。馮公克寬被謫居此。其

卷二 地輿誌

諸道風土之別

十八

頽垣遺址彷彿猶存焉。

裴黯章公詩云城南遺址石礎磯。禹老何年作遠臣草屋已成江上水桃源猶是曲中人。前馮克寬作漁父入桃源曲今爲世傳)

葵州府二縣

中正縣 十六峒

翠雲縣 十二峒

玉麻府 一州

鄭臯州 十二峒

葵州玉麻在乂安之西連山疊嶂與哀牢連接二縣一州之民半居山峒其俗治田不用耕耨但驅犧其上踩躡成泥便下苗民俗與蠻無異云

臨安府一州

歸台州 十二峒

忠順縣 九峒

鎮寧府七縣

臨安古盆蠻地附屬哀牢黎初太祖開國始來進貢仁宗太和五年或作二年又進象二隻詔改爲歸合州界在極西其地多產花石云

金山縣 十二峒

清渭縣 十峒

景淳縣 十四峒

光榮縣 六峒

明廣縣 九峒

珙瑤縣 九峒

忠順縣 十峒

鎮寧府卽古盆蠻。

今土人猶號芒盆

黎初琴公竊據拒命洪德中親征分畫其地置爲鎮寧府七縣隸屬驩州

三百餘年職貢弗弛土酋盧琴氏世襲爲蛇歷至鎮郡北并呼芒即古老撾西通哀牢地廣民稠爲諸蠻之長遂盛修宮室邑于呈光所居兩旁溪澗四面山峒南望紅苓北倚慶姐東夾蒲茲亭西連終忘四勢高聳下憑占棧山麓低處宅居至其弟盧琴香永佑末爲黎惟禡所脅惟禡者裕宗第十子也

初惑浮言出奔清華石城。景興初因國中多事誑誘土酋魯取沿山諸峒冊。士兵出沒上游清華騷動。尋自古隴徙居玉樓憑險自守。鄭明王以基本重地銳意蕩平。命統領城郡公譚春域贊理春岳侯阮儼等合三道官軍進勦。掃清玉樓巢穴。縫隻身遠遁潛挈妻眷及殘卒二百餘人流落哀牢。但間以鎮寧土肥民衆可爲用武之資。遂糾集夥黨掩襲其蛇盧琴香取之鎖于別室。占據呈光增廣宮室增置內外府並用砌磚覆瓦。服器僭用龍爪龍床龍座龍轎及侍衛有金吾錦衣等號。經十餘年黃屋左纛白傑一隅。其黨羽稱郡公八九十人。稔有名目。僞總兵以上又百餘人。軍置十區。中區十號。勁威、雄才、金吾、錦衣、銳寶、捷寶。中侯左中侯、後中侯每號各一百人。其餘每區十號有五力。如力左力右之類五威、五義、五嚴、五鎮、五捷、五奮、五捍、五羽林等名。後又收芒青散卒置爲固戰之隊。戰兵約共三千人。戰象一百餘隻。馬二百餘匹。銃巨小不下千計。硝磺藥礮不可勝計。器械兵甲尤爲精銳。火彈火箭火擲火巢。攻城應用之需無所不有。僞府之外四圍十有六峙。聯絡相應。守備相資。屯峙第一重築土壘。壘上面每隔一丈架一射樓。土壘之外並植竹隔一丈浚濠深十三丈。餘濶亦稱是於關緊可甚防處。並下鐵尖。鐵尖長一尺八寸。軍中號鐵尖賊。餘並竹尖。靖布隔濠一丈。又加瓦壘。壘外竹尖密毳如毛。壘上施木弩懸象鐘。動輒聲聞響徹。防備靡所不周。其威制西自呼芒及各牢以至興化沿邊諸峒。東至樂凡臯州北及鄭葵七總商賈貨路通于漢。勢頗滋漫。鄭明王密差潛往賊中。畫得呈光地圖。瞭知邊情敵勢。欲興師致討。惟縫知之。亦預作准備。迨靖王親政。銳意盪平。命乂安督率端郡公裴世達料理機宜。預備儲餉。己丑命世達爲乂安道統領。清華按鎮阮潘爲靖華道督領。興化鎮守黃廷體爲興化道督領。三道兵馬齊進。乂安道

## 卷二 地理誌

諸道風土之別

三十

自沙南進發。清華道自渡馬河進發。興化道自古法從青州扶華前進。累戰克捷。賊勢摧折。十月十六日三道齊奮乘勝取路進抵鎮寧訪得一條路。自康政州而進。由呈班進經爐上爐下至牢呈牢。又經滻凹至牢浸泗經拔朴芒院抵峒呈欽。不過十五日又自峒呈欽經但胡芳至僞屯軍行四日不出二個旬日可到呈光道途無大險阻處處皆有民居村邑糧食可因卽具啓請行王壯而許之。旣而自是日進軍至次年正月二十五日方達鎮寧澆山總計凡三月十個日十月二十七日乂安道軍次漸慕。藍國公名祠。今遺址猶存。公陳朝公子爲乂安鎮守。權宜措置糧場。十月初三日進次翹虔。此處有溪流合慕江。藍國公名祠。今遺址猶存。公陳朝公子爲乂安鎮守。自此至山麓石分三級。有泉從上級湧出。水極甜香。下有一石如盆。泉流下凝成五色如脂。病熱取飲之卽愈。其水烹茶甚佳。復詢土人探得一條徑路。從溪虔之左至芒接。鎮寧地界又踰詠闡山至那村渡河。卽慕江經伴輔至伴嘴。踰步所山蛇女山至儉蛹。自此至呈光僞屯。土人行五更強。其路近而易行。卽整軍前進。如入無人之境。十月興化軍抵梅山前進。經滻潛。屬梅州至鎮寧界牢些墳。自此以下係鎮寧地界又過牢些。黏牢執板至牢芒翻與前差官兵合駐。前此經由興化各州。山高水惡。軍士多以疲勞染病。自抵鎮寧地界。山肥水潔。土燥嵐輕。軍士感冒稍寬。所至宣示朝廷威福。異域蠻酋飛扦闢廣。蠻人呼芒之長爲飛。其次爲扦。其次爲闢。其次爲廣。及舍狗扦龕各率士兵供糧服役。至十二月朔。乂安道次蛇門。是日呈光始知官軍進至。慌忙出拒。屢經敗衄。其象陣銳卒並爲官軍破獲。賊勢促乃擣城拒守。累次招降不服。庚寅春清又二道逼攻。列峙對射。城中象饑馬瘦。軍人逃散。賊將賴世昭等五人各以峙降。二十二日呈光賊巢潰。惟燄自焚死。四月官軍次呈光休息。統領端郡公籍所獲象馬銃口藥彈器械之數。以獻錄陣前俘獲諸賊黨戮其渠黠有名目。

者數十人。餘皆決遣各回生理。委鎮寧舊蛇盧琴香之姪盧琴蘊琴欽管理伊府事務。招撫流散。綏集蠻民供貢如例。自是蠻獠無不震懼惕息。邊鄙以寧。

山南

古貉龍國秦屬南海郡漢置交趾郡隋因之唐改交州丁黎朝或爲道或爲路府其稱杜峒唐林扶烈藤州皆其地也。李朝改稱諸路。陳朝爲天長、建昌、應天、蒞仁、新興、快州、長安、龍興、大黃、安暹等路。黎朝因之。光順中置爲天長承宣統治府縣及定版圖始爲山南承宣隸府九縣三十六景興初詔分爲上下二路。山南西界沿山東臨海京北海陽在其北清華在其南地勢廣邈人景繁昌乃四宣之第一也。上下二道風物頗殊上則文勝而氣浮下則質多而樸重文物則上游稱盛財賦則下路爲優要皆地聚英華俗稱文雅誠中都之屏翰爲王家之府庫者也。

常信府三縣

青池縣古稱青潭。黎中興避世宗諱。改稱青池。舊七十一社十一村。二所。一日程。今十二總一百社。

上福縣舊七十二社四村。一日程。今十二總七十一社。

富川縣黎初號浮雲。又曰富源。舊六十七社。十四村。二甲一庄。二日程。今十一總。八十一社。

常信府在山南之北界近中都屬縣皆沿官路平洋曠邈無山林之限唯蘇江一流縈繞其間三縣俱稱文學而青池上福爲盛。青池登科六十員。上福五十四員。富川六員。名儒良臣迭出其間。如蘭川阮榜眼以開國魁元。文章名世。月盃阮會元以中興碩學號稱宗師。他如定功之裴族冠紳濟美。月盃之阮族。魁甲聯芳。皆山南之望族。龔黃蕊溪二地尤稱冠絕。龔黃在青潭縣。朱文貞所居。公常築書室于龔黃大阜。前臨潭水。學徒從遊甚衆。公卒後縣中於其處築祠宇祀之。今存。○蕊溪在上福縣。阮公廬鄉貫。烏父飛卿。

## 卷二 地輿誌

諸道風土之別

卅二

常築書室於鄉中土阜。徙宅居之。其後生庶。博學能文。從太祖起義。爲開國功臣。唐沒後。本縣即土阜處建祠宇祀之。今其子孫繁盛。爲蕊溪望族。古蹟有步頭祠及章陽渡。鹹子關乃陳人擒胡之處。

故號步頭社。其後鄭成祖東征。顯靈護捷。凱還。王命造殿崇祀。神像高三十一尺。腰大數圍。兩足踏蛟。八將金剛環列左右。遞年九月。方民輶集供奉。爲一方大靈祠。跡在公餘捷記。○章陽渡在上福章陽社。中流鹹子關。長江空濶。對岸是自然洲。陳日燭常破元兵於此。有奪槊章陽渡擒胡鹹子關之句。范立齋公懷古詩云。扁舟曉發章陽渡。但見沙鷗戲洲渚。欲尋陳元古戰場。想在中流激湍處。盛德苔塘則

爲近代戚畹。

盛德在富川縣鄧族真後。徙彰德良舍。累代貴盛。於盛德設立府祠。

士習民風。大抵文勝於質。工匠技藝亦

他方所不及云。

如蕊溪之木工。文甲之漆工。永興之作笠。玉女之作鉤。皆極精妙。

應天府四縣

十二總。九十三

彰德縣九總。六十九

山明縣八總。六十

懷安縣四總。五十五社

古唐林地

憲 章 類

應天府在山南之西。青威一縣邇在中土。彰德而下則境接沿山。山明懷安一帶林嶂重疊。與清華上游連壤。山川之勝。有雪山。香積山。馨蓬山。仙山諸景。次如象山。寧山。祝山。俱宜登覽。

雪山。在懷安縣重峯。峙立中有峒。極

奇巧。峒中石乳垂垂。龍文疊見。山頂有石佛。金身鋪相。長松个个排傘。景致蒼幽。鄭聖祖登覽詩云。翠屏疊疊峙南維。峒鑿山腰造設奇。篆出神蹤金爪甲。凝成霜棲玉脂肌。風傳靈氣分松響。雲護晴窗照月規。一粒可能藏世界。登臨聊寓畫中詩。○香積山在雪山之西湖長溪緣疊巒入山深有峒鬼鑿。神刲窈妙殊特。爲南海第一峒天。相傳觀音菩薩飛錫南來。修持于此。峒中佛像嚴莊。香火常在焉。春際諸方善信詣峒行香。念佛之聲。喧滿山谷。稱爲南天勝會。○馨蓬山在香積之外。山下長江鑿臼。兩岸峭壁排立。一徑深窈。如龍門。神鑿山壁萬孔懸珠。臨流亂照。景色如畫。靖王詩云。攀脚撐開一徑穿。化工椎鑿幾多年。青攢堅磴疑無地。碧引寒流忽有大抹石。丹霞千錦綵。醞波鍾乳萬珠懸。个中自適飛潛樂。妙處難將畫筆傳。○仙山在馨蓬之南。俯臨長江。石屏樹翠。景致蒼幽。靖王南巡時。常登山頂。行柴望禮。○象山在彰德貢溪。平洋突出。體勢尊嚴。與懷安諸山隔岸相對。景致

亦宜勝覽。靖王詩云：從天萬馬列重轡，擁到平津起象山。石骨霜肥添出色，木牙雪瘦尚留根。瀨頭井盡晴中見，岩腹雲坡雨後看。東嶽誕來揚武跡，爲申漢斧試師干。○寧山在彭寧上縣，俯臨鳴江，景致幽雅，翻鄉王禧，常建宮于山上，以爲巡幸之所。○祝山在寧山之右，圓峯突起，傍連重林，渟四望，景致幽濶。古跡有使君城、貝溪寺、吳兵斗首在焉，威地界。使君杜愚，領靈社洞江。今青威保陀有城故址在。○貝溪寺在良  
梵宇，以一小鍋許衆人食不渴。返回貝溪，取鹽瞬息使到歸化後，方民造像供奉。穆著靈異。其後貝溪人迎回奉祀，所禱必應。香火不絕。蘇公余憲記。○吳兵斗首，宋太宗時，吳王保祐之弟，名于保，字士英，二十八歲，狀貌雄偉，善長歌，有才思，著文集。文學之盛，有

施。愈著靈異。其始用爲，人迎用參迎。而厥乃

應。香火不絕。跡詳公餘捷記。○吳兵斗在保陀社。胡末明兵來侵。疫死甚衆。乃于保陀造築土爲斗。以量兵數。今遺址尚存。文學之盛衰。始終之。崇德督科四十一員。山明十六員。云三員。六、斗互言。至文昌七。彰德芝泥陳某鄉也。祖云登光順制科。父榮登洪順漢中狀。

陀羅。胡末明兵來侵殺死甚衆。乃于保紀社築土爲斗。以量兵數。今遺址尚存。文學之盛。昔德芝泥陳菜鄉也。祖云登光順制科。父榮登洪順庚申科仕。萊登端慶探花。後仕英懸尚書少傳。封萊國公。致仕有

詩云歷代。魁科天下。有一門。數仕世間。無杜汪。諸譜曰。詩書之派。禮樂之宗。前輝後耀。南國萊公。將閥世官。則稱良舍。良舍在彰德鄧族鄧爲鄧氏自義公訓爲中興功臣有女侍妾王生文禮其後子孫繼世榮顯封郡公尚公主兼鎮守者不可勝數二百

餘年富貴不絕。本朝兵部尚書有常其後也。其風土民習四縣大抵不同。青威田良而物異。俗尚繁華。懷安山明則多夏田深

蒞仁府五縣

**南昌縣**十總二十九社村。舊八十三社一庄一寨一所。二日程。

縣志

十一莊、三寨一所。今  
六十社村。二日裡。

青廉縣

五十畝。一村三所。今七  
總。五十九畝。乏四畝。

**維先縣** 第五十四社二村四庄  
下轄六十二社。

平陸縣

燕王至三社西庄一所。

蒞仁府在山南之南。與清華夾界。青廉、金榜、維先、平陸四縣環列官堤。惟南昌界在中土。金榜珠球爲近來鎮所。江流三折。左邊連山旋繞。樂場風物濃麗。稱爲上鎮樂土。名勝諸景。則有南鶴山八景。山儉黏山。卷山。安老山。龍隊山。天健山。皆前朝翠輦所經之地。南鶴山一帶連互。在珠江之左。疊嶂盤礴。自金榜上流蜿蜒與清華諸山連接。八景山在金榜之光承九十

南雄山一帶連互。在珠江之左。疊嶂盤礴。自金榜上流蜿蜒與清華諸山連接。八景山在金榜之光承九十

卷二 地輿誌

諸道風土之別

# 卷二 地輿誌

萬道風土之別

九峯周迴數十里。有雲岑勝覽諸寺。最致蒼幽。前朝鄭毅祖以山水頗似瀟湘景。因命名曰瀟湘山。特建行宮。時備巡幸。爲山南一大勝景。○儉  
黏山在金榜地頭。爲清南夾界。兩山交股。近容一水去還。勢甚窄狹。恰似關鎖。鄭王西巡。舟行過此。常有題咏。○卷山在珠江別流之上。  
石甚高聳。而蒼莽幽迴。其中多產蓍草。相傳昔有人貪利。入水探珠。沉沒不返。靖王泊卷山。詩云。迢遞江天。一片帆。卷山對泊岸之南。遙分鳳翅雲屏。  
峙近瞰蛟居月鏡涵。枕巒村廬青竹。讓梯巔樵徑紫霞械。間來細論。探珠事欲把。青泉一洗貧。○安老山在平陸縣界。山石甚高。形似圓蓋。四望寬濶。  
上下古寺。老松森列。有石礎突起江邊。相傳仙井在焉。鄭王登覽有詩云。南州自古地輿寬。安老山頭小勝觀。遠嶂重重青拱向。長江淼淼  
綠迴環。○龍隊山在維先隊山社。俯臨江流。李仁宗常立延齡寶塔碑。文字全用佛家說。荒誕不經。陳末明人踏毀之。鑿太祖平定再命堅立。  
聖宗登臨題詩云。千仞層巒古化城。攀緣石磴步禪局。李朝怪誕碑空在。明寇凶殘寺已更。路少人蹤苔甲綠。山多春雨曉痕青。登高眼界無窮碧。萬  
里茫茫草樹平。○天健山在青廉縣。陳廢帝時以占城寇掠。令軍民搬運財貨藏山中。迨順宗立。令石工鑿開山峒。取前代所藏銅錢。時山崩洞塞。遂  
廢。

之。文學之發。五縣皆有。而維先爲多。南昌金榜登科各六員。青廉平陸各四員。維先十四員。其風物繁盛。南昌第一。午峯公南昌縣詩云。一帶浮  
河上下瀾。柳樓茶叙歷遊觀。  
正米所養蒙、豪洲、珠舍諸所爲支云。米所在東安。養蒙在維先。

快州府五縣

東安縣

十總七  
十八社。

金洞縣

八總六十二  
社。古藤州。

仙侶縣

六總五  
十社。村。

天施縣

八總六  
十二社。

芙蓉縣

六總四十  
深有同  
東安縣大

快州府在山南之北。與京北夾壤。地勢廣邈。江流旋繞。無山林之限。金洞憲營爲舊鎮。所風物繁麗。  
赤藤州爲歷代庫。乃衝要管鑰之地。其名靈遺跡。有自然洲。一夜澤。藤州祠。婀媯村。帝釋廟。自然州在江中。昔唐王女仙容出遊海口。船回至褚家鄉。遇褚童子。與爲夫婦。王怒。童子與仙容避居岸上。忽夜半風雨大至。拔其所居。室屋居人竊犬一時飛升。惟室址在焉。因呼其洲曰自然洲。○一夜澤在東安永興社。相傳卽仙容飛升之地也。因名曰一夜澤。其澤周迴。不知里數。草木叢莽。中

有基址可居。四面泥淖沮洳。人馬難行。惟用獨木小舟。篙行於水草之上。誤墜水中。則爲虫蛇所傷。李南帝時。趙光復與陳霸先相拒。屯兵夜澤。屢敗梁兵。國人呼爲夜澤王。○藤洲祠在黎開明時。能顯靈應。使一遭江風一邊江雨。晦明異之。修葺廟祠。香火不絕。今廟在江津。稔著靈應。

○炳燭村在仙侶縣。相傳胡末明人來侵。設壘其地。有一炳娘者。設計夜賺明兵入壘。投沉於江。明人移屯。方民稍賴以蘇。後人思其功。立祠奉祀。因名其村。迹詳公餘捷記。○帝釋廟在天施羅擇社。稔著靈應。昔鄰社二娘拜謝。忽失所在。只留頭髮。邑人異之。遂取二匣貯髮。立祠奉事。稱

爲帝妃廟。又常下降顯靈。

與張巴對棋。事具捷記。科目之發。五縣皆有。而東安爲盛。○金洞登科七員。天施十六員。

芙蓉三員。惟東安三十二員。民風物力。金洞天施稍優。

餘略相當。其征巡之所。則冷池爲正。偈州爲支云。○冷池在金洞。亦藤蘆二社。

偈州在金洞縣偈州社。

## 天長府四縣

南真縣古號西真。中興後避鄭王號始改。舊九十二社。二十四庄村。二所。今一百二十八社。

膠水縣舊六十九社。六村三庄。一寨。今九總九十九社。

美祿縣舊六十八社。今七十五社。

上元縣舊四十社。二村一庄一寨。今五總四十五社。

歷朝類纂

天長在山南之東。夾際大海。陳時爲卽墨鄉。乃湯沐之地。有重光重華二宮。又建普明寺于側。諸帝遜位後居之後。始改爲天長府。今其遺廟尚存。廟在卽墨社。鄉民奉事十二帝。各置神牌。龍尾歲時忌日祭祀之。廟前有普明鼎。今其鼎既失。遺址尚存。南真膠水連接海門。上元美祿地在上游。大江繁繞。美祿渭潢爲下畔鎮所。四縣物力肥衍。習尚勁悍。每因有事。輒驅扇騷動。鑿永祐閭。南真銀茄賊渠武廷鎔。段名振等聚衆刦掠。保泥浦爲險。其黨皆獰猛。行止無陣法。遇軍官輒挺刀突入。亂斫人馬足。諸將累爲所敗。朝廷遣使告諭。卒不受命。明王震怒。遂南下親征。自憲營早發。暮抵渭潢。至樂道。賊悉衆拒戰。命諸將夾擊。俘其渠魁斬之。沒其舊號。改稱來格。

嘉隆三年南真登科九員。美祿二員。始改嘉銀。四縣俱有科目。而膠水爲稍多云。上元二員。惟膠水十二員。

## 卷二 地輿誌

諸道風土之別

卷二 地輿誌

講述風土之別

卷六

義興府四縣 古龍興府

大安縣 舊六十六社二村一庄。今七總五十五社。

望瀛縣 舊四十三社。一村一庄。今一所。今七總五十四社。

天本縣 舊六十六社三村二庄。今十總九十三社。

懿安縣 舊六總四十二社村。

義興府在山南之東南。大安一縣處在海濱。懿安望瀛夾連清華。天本邇接上元。去海稍遠。其景有

寶臺山、屏風山、極樂寺、飛來寺。皆爲遊覽勝地。

寶臺山在望瀛縣洞漢社。屏風山亦在其右。景致幽雅。上有迴泉滿溜。下有平湖展鏡。與極樂寺咫尺相近。山光水色。景緻相宜。鄭靖王登覽常

有詩云。隱約岩巒。渺茫局。雲爲簾幕。石爲屏珠。流水液。泉雙派。玉積山心。月一泓。○飛來寺在懿安縣界首。沿永興小溪

至其山寺在山腰。上有一座石塔。曉暝雲端。登山暎覽。別是一壺世界。鄭王詩云。前後交環山水抱。高低相影塔仰闊。

古跡有大鹽口。柳

杏祠。強暴廟。二名祠。呂神廟。金錢廟。皆般般奇怪。

大鹽海口在大安縣。昔趙趙王與後南帝戰敗。奔至此阻水。遂投于海。後人以其靈異。立祠奉事之。○柳杏祠在天本安泰社。公主原諱氏女。

娶夫生子。沒後復托體爲人。生化無常。而性靈不昧。常顯現神異。方民祈福即應。○強暴大王廟在天本貞壽一作同壽社。王生時強暴。被雷打死。羣虫觸七堵之。宛成大阜。其後卽于死處現靈。鄉民構宇奉之。累封福神。跡詳捷記。○三名祠。在天本縣。相傳兄弟三人。生而肢體不具。其父母懼埋之一處。後皆靈顯。今符水道外皆奉之。祠附於墓所二寺。○呂神廟。在天本縣登鬼山。相傳呂嘉與漢兵戰不利。喪其元。猶騎馬走至登鬼山間諸村。言曰。古今豈有無首而生者。遂墜馬死。後民卽其處立祠。○金錢廟在大安縣河津水神。稔著靈應。永慶間常與天本縣現鬪于江。破裂河堤。邑人

禮謝。方保無事。跡詳公餘捷記。○保伍爲鄭王戚晚。侍成祖。母辛文祖。生子。

文學之發。則天本大安爲優云。

望瀛登科

員。天本十員。

太平府四縣

瑞英縣 舊六十一社一坊。

附翼縣 洪總辰號附屬。舊三十四社。一村。今六總三十六坊社。

瓊瑰縣 舊四十二社一村。今四十七社村。

東關縣 舊五十四社一所。今八總五六十六社。

太平府在山南之東。瑞英縣連夾海門。風物繁盛。附翼瓊瑰。東關三縣去海稍遠。人物俱尚勁悍。科目之發。惟附翼爲多次。東關次瑞英。次瓊瑰。附翼登科十八員。東關九員。瑞英四員。瓊瑰一員。征巡有三所。萬寧爲正。鹽戶爲支云。

萬寧巡在瑞英甘棠社。  
鹽戶巡在瑞英鹽戶社。

### 先興府四縣

#### 御天縣

舊四十九社。二村。四庄。今六總五十六社。

#### 延河縣

舊四十二社。十一庄。今六總五十九社。村。

#### 神溪縣

舊二十六社。四庄。今八總五十社。村。

#### 青蘭縣

舊四十七社。三村。今七總五十三社。

先興府在山南之東。與太平連壤。青蘭濱海。餘三縣俱在平津農江屈曲旋遶。無山林之阻。科目發越。惟青蘭爲多次。御天次延河。神溪青蘭登科十六員。御天十員。神溪四員。延河三員。名儒良臣爲下處之冠云。如神溪郭尚書以文學政術。鳴聲兩國。延河黎榜眼。

以淵源學問標譽北國。與夫海潮范狀元以文名於國

初。福溪院會元以詩鳴於近代。皆科甲中傑出也。

### 建昌府三縣

#### 舒池縣

舊五十三社。一村。四庄。今八總六十七社。

#### 武仙縣

舊三十八社。今七總。四五十五社。村。

#### 真定縣

舊六十一社。二村。二庄。今八總八十六社。村。

建昌府在山南之中。真定界極際海。舒池、武仙二縣並在中土。與渭璜鎮接壤。其地廣邈肥衍。物力頗稠。舒池、武仙文學相當。真定則稍遜云。舒池武仙各科登科各七員。惟真定二員。

## 卷二 地輿誌

諸道風土之別